

www.BibleForChildren.org


Matyu 26



Ena komina bil
nenangwa kaun i u
bawa dinangwa, are
kaun anan kole muru
kole taran imo dungure,
Yesu pi Alasaras gulere
alungwa yal ain Betani ongwa.
Milungure Maria milere,
wel niriin minanin wai wen
sungwa tobe bil bilungwa, mugu
ta ali yuure, Yesu kawn mina garu
dire gibiliigin aa gi di pire, kul tongwa
kire di erungwa. Wel niriin minanin wai
sungwa, ena ogu ala kuunin bi bawa dungwa.



Ena gawlima kobe anan kole kole muru kawnan milin
sutan, yal ta kaan Yudas Isikerio, Yesu bale taal
siralal dire pi Yuda ka main kenin
erungwa yal bil kobe milungwa
gul ongwa. Ongure, yal kobe
yalini ka di tongwa wai
pirere, "Tobe teralwa,"
dungwa. Ena Yesu
bale taal sirala
dire kaun ta suul
mile kane
milungwa.



Dungwa mere erere, komina bil
iray nenangwa aa tekun erungwa.
Ena yal kobe komina nere milungwa,
Yesu komina birete aa tere maki ye
God tere, bege dire obin si yal kobe
tere, iru dungwa, "Komina i, na miin
te gaynan dimia, ire no." Dire pare
nil wain sin kabe ta ire, maki ye God
tere, suule obin si yal
kobe tere iru
dungwa, "I yal
kobe para,
nil i no."



Ibal kobe binanbile God bole
guman kane ire u taran nama
dire, na inan mayan garu diralwa.
Te ibal kal digan ere taalime
erungwa kire di erama dire, na
inan mayan garu diralwa.



"Saimon, Saimone, ena i iru piro, Satan i suan kanala dire God para owa dimua. Kal iru eramba, i pire gi dinga pisere erekinana dire, ana di God teiwa. I nomanin kwi si kiruul sire na kwi kulanga, ena i enin taw kobe yobilaan bile to." Dungure Pita maan dire ka iru dungwa, "Singabo, i na bole kanin na sinangure gulabinga, ena kal iru erabilga para paimua."



Dungure Yesu ka iru di tongwa, "Pita na ka di i terala piro. Kemina gilaa sia korale be dala di erangwa, i ginin sutakobe, 'Na yalini guman kanekiwa,' dire ka di kile di mena ere na tenanwa."



Ena Yesu te gawlima kobe
bole pi eri main ta kaan
Gesemani ongure, Yesu
iru di tongwa, "Na ana
di God terala erebina, i
alia amin di milo." Di tere
iru dungwa, "Abe, na Abe,
kalkan para muru eranga i
kuunin biimua. Giil malia
na piralga pirekerala di
pire iru ere na tenanba,
painama di pirangire ena
giil piralwa," dungwa.



Kanemia ena Yudas eri main iray ongwa. Yuda ka main kenin erungwa yal bil kobe te Parasi kobe mile, "Simil nen te ka main ogu el kwi nu milungwa yal kobe awli po," di Yudas tongure, yalini awli ongwa. Yalin kobe simil te kuba aa te ire pirere enderin derin aa te ire, te kewa gale ire ongwa. Dire yal ta di kuba pera i maribe ere Yuda kenin erungwa yal bil, yalini nil konagi yal ta, kiraan dual kule erungwa. Erimba Yesu ka iru dungwa, "Eringai pisero." Dire yal ta i kiraan aa te ain ere tongwa.



Ena yalin kobe Yesu kanin sire awli pi Yuda ka main
kenin erungwa yal bil ogin ongure, te Pita tawlita
tayan mile muun kol duulin
bile ongwa. Ogu malge
ibal kobe enderin gale
paalungure, Pita pirere
bole para amin dire
enderin pire
milungwa.




Dungure Yuda ka main
kenin erungwa yal bil
yalini nil konagi yal ta
milere, Pita yal ta
kiraan dual kule
erungwa yal iray, enin
kobe yal ta milere, ka iru di
Pita tongwa, "I yalini bole eri
main milinga, na i kanebina di
pirebinba?" Dungure ena Pita
mile, "Na ta milekiwa," dungure
korale gin taran be dungwa.
Pirere Pita mena pire kay mun
bile yaare simil kay miingwa.




Ena u ku bilungwa para alere,
Yesu awli pi yal singaba bil Pailete
milungwa gul ongwa. Dungure
Pailete ka iru sirin bile Yesu
tongwa, "Yuda ibal yal
bil i milino?" Dungure,
"I iru dinwa," dungwa.
Pailete Yesu kanin gule
ere terala di pire ka kwi
di ibal kobe tomba, ibal

kobe kwi gala dire iru dungwa,

"Eri pera mina si gulo.
Yalini eripera mina sigulo."




Ena Yesu eri pera mina si
gulama dire, Pailete awli pi
simil nen kobe tongwa. Tongure
yalin kobe Yesu ke mile
milungwa. Yesu ere mena pire
eri pera yalini inin kawi ire, ai
ta kaan Ibal Gibilin Yobilaan
Ai, u bawa dungwa. Ai iray
Kibiru ka paangwa, kaan
Golgota yongwa.



Kol iray yal kobe Yesu eri pera
mina bili nil sirere te yal sutan
para kole kole eri pera mina bili
nil sungure, Yesu baan
suna si yongwa.



Gal bilkaw Yuda ibal ka main ogu bil kegemama
yongwa ai si pere dungwa gal God mine aa dinaa
di yene pira sungwa. Yesu gala bil ka iru dungwa,
"Abe, na ibanan i kenin ere ke
milana dire i teiwa." Dire
pare gulungwa.



Ena Arimatia ai nen Yosepe, yalini
ibal taminin bile milere guun kan
warungwa. God kenin ere ke
milungwa kaun unangwa
yalini suul milungwa.

Sare kaun u maala
ongure ibal kobe
kalkan aa tekun
erungure,

kamin pu dungwa
wei sungure si bilala
di erungwa. Yalini
yobilaan bile Pailete
milungwa gul pirere,
Yesu yobilagi irala
dire sirin bile
tongwa.



Tongure yalini gal pege wai gibilin
sire yalini Yesu mone di i main
erere, gal pege wai werere
inin kobile giran ibal woole
tongwa, ali yongwa.
Yerere pare kobile
milin bilkaw kana
giran bile pera
di yongwa.



Ena kaun ta Pirainde kaya wei sungure,
kwimile kaun iray, Yuda ka main
kenin erungwa yal bil
kobe te Parasi kobe bole,
pi Pailete milungwa gul u
ku bilere iru dungwa,
"Singabo, ena kasu
kobaan kwi imo
mile, 'Are kaun

sutakobe wei
sinangure
kwi alalwa,
dungwa
maliaga
pirebinwa.



Dimia ena yalin kobe pirere, kobile
milin bilkaw kobile giran bile pere
di yongwa, gariba ta si
daangwa. Ibal ure aa ku
tenangwa kanala dire,
gariba ta si daangwa.
Gariba si daare simil
nen kobe, "El kwi
nu milo," di tere



ere ongwa.



Ena Sareba kaun wei sungure
Sarebil kaun taanima wen are nol
erungure, Madala ai abal ta
Maria te Maria ta, pi yene
yobilaan gul nala di
ongwa. Ememe bilkaw
gin taran pilau
dungure, God
Singaba angel

ta kamin pisere
ere gariba gul ure,
kobile ta yene
yobilaan gul si pere
dungwa yawlere,
bolimina amin di
milungwa.



El kwi nu milungwa yal
kobe kanere, kuril wen
pire kalgane irere
gulungwa mere
milungwa.



Ena angel iru di abalin kobe tongwa,
"I kuril ta pirekio. Yesu eri pera
mina si gulungwa, i kanala
dire unga piriwa. Yalini
abila ta milekimia kaya
ale ere omua. Yalini
dungwa mere u
maribe omua.
Yalini yongwa gul
kanana
wo."



Dimia ena yene yobilaan gul gin taran
pisere kuril pire milimba, miriin paire
mugu di pi gawlima kobe di terala
dire ongwa. Ena Yesu gin taran
pire, abal kobe kol baan guman
yere iru di tongwa, "Abalkuno,
ere uno?" Dungure, abal kobe
ure pi maala pire, kawn
mina
awi

dire
aa tere, deminin si tongwa.





Ena ginin sutan di tongure eme Yesu gawlima anan kole kole muru kawnan milin taran komina ne milungwa kaun, Yesu u bawa dire iru di tongwa, "Ibal taw kobe na aliga i maribe ere kanere, 'na alemua,' dungwa kawen dima di ta pirekino? I pi tegi ye na tekino?" dire kan tongwa. Ena Yesu Singaba ka di pisere God aa ki di yalini tongure, ere kamin mina ongwa. Pirere God aan wen kol amin di milungwa.



God gariba ibal para den miriin tomia,
ena yalini Wan taran nusi ime ere
na ibal kobe tongwa. Tomia ena ibal
kobe aa gi dire pire gi di yalini
tenangwa, ena ibalin kobi iban u
enderin gaul ai ta pekire,
mile painangwal
painangwa.



Orom 3:23 Ibal kobe para wen kal digan ere taalime ere milere, te God naabilungwa mere, na ibal kobe nomanin suna iru ta naabile dikimue.

Orom 6:23 Ibal kobe kal digan ere taalime erungwa tobe ingwa iwe, gulungwa main u maribe pi ibal tomue. Main iru paamba, na ibal kobe Singaba Kirisito Yesu si waire u taran pire mile pairabingal pairabina dire, God kal wai imore ere na tenamue.

Kibiru 9:27 Ibal para ginin ta gulangure pare, mile pai erungwa mere God kanere, "Pirin paimua," di tenam mo, di tekinam mo, iru obin si tenangwa paamue.



Epesas 2:8,9 I ibal kobe sigare kule u wai enga main iwe, God kal wai ere i tongure, i ibal kobe ka main i pire gi di tenga, sigare kule u wai wen enwe. I pire gi dinga, i inin konagi nega di ere, pire gi ta dikinba, God aa ki di i tongure, ka main iray pire gi dinwe. Konagi nega di ere, pire gi di tenanga, i inin kaanin gale yebe eranba, God aa ki di i tongure ta erekinanwe.

Orom 10:9,10 "Yesu milungwa main iwe. 'Yalini Singaba milemua,' dire te 'Yalini gulere alungure, God kal iru ere yalini tomua,' dire pire gi iru dinanga, ena God aa te pilaan pai i tenangure sigare kule u wai pire milanwa." Kal iru erungwa mere, main u maribe ongwa iwe. Na ibal kobe Yesu nomanin suna pire tere pire gi dibinga, ena kal digan ere taalime erebinga God pirin gule ere tere, "I kabin sire wai wen milinwa," di na tomue. Te na ibal kobe, "Yesu ka main pire gi dibinwa," kirara di gawa dibinga, ena God aa te pilaan pai na tongure, sigare kule u wai obinwe.



Yon 3:16,17 God gariba ibal para den miriin tomia, ena yalini Wan taran nusi ime ere na ibal kobe tongwa. Tomia ena ibal kobe aa gi dire pire gi di yalini tenangwa, ena ibalin kobi iban u enderin gaul ai ta pekire, mile painangwal painangwa. God Wan ka kol pai gariba ibal tenama dire, God yalini nusi ime ere na ibal kobe ta tekungwa. Gariba ibal aa ki di tenangure, sigare kule u wai nama dire nusi ime ere na tongwa.



1 Yon 5:11-13 God kanere di maribe erungwa, kal iru ere na ibal kobe tongwa main iru paangwa, na ibal kobe mile pairabingal pairabina dire, God kal iru ere na ibal kobe na tongure, te mile pairabingal pairabinga main, yalini Wan inin kobaan milemue. Ibal ta mile, "God Wan na kobaan milemua," dire pire gi dinangwa, ena ibalini mile painangwal painamba, ibal ta pire gi iru ta dekenangwa, ena ibalini mile painangwal painangwa main, i ta pire pol sekenamue. I ibal kobe pire gi di God Wan guun kan tenga, i ibal kobe mile painangal painanga kaya inga pirana dire, na ka iray bile i teya.



Matyu 26-28; Luku 22-24; Yon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Golin Bible (gvf) © 2013, Wycliffe Bible Translators,
Inc. All rights reserved.

<https://live.bible.is/bible/GVFWBT/MAT/1>

©2026 Bible for Children, Inc.

www.M1914.org

www.bibleforchildren.org

